

INUIT ATAQATIGIIT INATSISARTUNI



UKA2023/9
Okt.-ip 27-at 2023
Harald Bianco

Inatsisartut suleriaasianni § 33 naapertorlugu Inatsisinut Ataatsimiititaliamut ilaasortat matumuuna aalajangiiffigisassatut siunnersuut tulliuuttoq saqqummiuppaat:

Inatsisartut Ombudsmandiata 2022-mut nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersut.

(Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siullermik saqqummiussisunut Inuit Ataqatigiinit qujavugut.

Kingumut qiviaraanni Inatsisartut Ombudsmandiata nalunaarutaata annertunerusumik oqaluserinagu tusaatissatut tiguneqaannartarnikuuvoq. Ukiut kingulliit marluk misaanni nalunaarusianut oqallinneq annertusivoq. Takuneqarsinnaammammi pisortanit sullinneqarnerliunnermi Ombudsmandimut naammagittaalliuutit amerliartuinnartut. Naammagittaalliuutit amerliartuinnartut pineranni, tupinnanngitsumik Inatsisartut tusaatissatut tigusiinnartarneq naammagiinnarunnaarlugu iliuuseqarnissarli siunertaralugu oqallinneq annertoq aallartippaat.

Tamakku tunngaviupput maanna ilaatigut Naalakkersuisut suliniuteqarlutik aallarte-reertut akissummi takuneqarsinnaavoq, suliassarli annertoqaaq pisarioqalunilu. Soorlu maana nalunaarusiami atuarneqarsinnaasoq, kommunit suliassa qarfiini pitsanngoriar-toqarsimangitsoq suli. Ilaatigut sulianut tunngatillugu ilinniarsimasunik sullissisinnasunik amigaateqarneq peqqutaataalluni.

Tupinnanngitsumik Ombudsmandip Naalakkersuisut pineqartunut eqqumaffiginninnissaat kiisalu kommuninut iliuusissat pillugit oqaloqateqarnissamik kaammattuinera inissaminiittoq Inuit Ataqatigiinit isumaqrpugut. Kaammatuutit ilagivaat, sullissinermi ikorfartuisinnasunik Naalakkersuisut ujarlertariaqartut.

Inuuttasut sullissinermi pitsanngorsaataasinnaasumik Ombudsmandeqarfik ilitsersuusiorsimara isummaluarnartut ilagivaat.

Nalunaarusiaq qiviaraanni, meeqqat angerlarsimaffiup avataanut inissinneqartartut suliani ilungersunarnerpaatut taaneqarsinnaarpassipput. Taakkunanimi kommunit sullissinemat uparuarneqartuni annertunerpaajupput. Naak oqaatigineqaraluartoq, sullissinermut tunngatillugu 2020 – 2023-mi digitaliserineq annertuutut taallugu ingerlanneqarsimagaluartoq. Neriunnarporli tamanna aamma sullissinermut pitsaanerusumik angusaqartalerumaarnissanut aqqutaataajumaartoq.

INUIT ATAQATIGIIT INATSISARTUNI



Naggataagut Inuit Ataqatigiinnit oqaatigerusutarput tassaavoq, ajornartorsiutit qiterpiala tassalu ilaqutariit iluini pitsaanerusumik ingerlalersinnanarata sulisutigiuarmissaa pitsanngorsaaffigiuarmissalu. Nalunngilarput ilaqutariittut ajornartorsiornermi peqqu-taasinnaasut assigiinngissinnaasaqisut, assigiinngitsutigullu ikorfartornerqartariaqar-tarlutik. Nalunngilarputtaaq ilaqartugut akisussaaffimmik tigummiaqarnissamik pimoo-russinngitsunik, ilaatigut pitsaasumik meeqqanik paaqqutarinninnissaagaluuminnik im-maqalalu ajornartorsiutinngorlugu sullinneqartariaqalernermik pinngitsoortitsinnaagalu-artunik.

Inuiaqatigiit ikeqigatta immitsinnut ikioqatigiinnissarput ikorfartoqatigiinissarpullu pingaarnerutittariaqalerparput. Immitsinnut napatissagutta tamanna aqqutissat pingaarnersarigaat Inuit Artaqatigiinit isumaqarpugut.

Periarfissaq iluatsillugu ukiunik 26-inik Ombudsmandiusimasoq Vera Leth suleqatigiillu-arimanitsinnut qujaffigeqqipparput. Siunissamilu ajunnginnerpaamik kissaallugu.

Taamatullu Ombudsmandinngortoq Gedion Jeremiassen pilluaqqullugu suleqatigiinnis-samik pitsaasumik kissaateqarfigaarput.

Tamaalilluta Ombudsmanip 2022-mi naluaarusiaa naatsumik oqaaseqarfigalugu Inuit Ataqatigiinit tusaatissatut tiguarput

Qujanaq